



MØTEBOK

Rådsmøte i Hardanger Ungdomsråd

Dato: Torsdag 28.4.2016

Stad: Biblioteket i Ulvik

Tid: 0900-1400

Til stades:

Ullensvang herad:

Ungdomsrådsleiar Vilde Lægreid

Ulvik herad:

Ungdomsrådsleiar Alma Thorbjørnsen

Kvam herad:

Ungdomsrådsleiar Magnus Torvik

Granvin herad:

Ungdomsrådsmedlem Jomar Holven

Ikkje til stades:

Eidfjord kommune:

Ungdomsrådsleiar Katrine Riber Garen

Odda kommune:

Ungdomsrådsleiar Sigrid Walle

Jondal kommune:

Ungdomsrådsleiar

Andre:

Ulvik herad:

Ingvild Winters

Aktivitetshelga 2016

Timo Knoch

Hardangerrådet:

Konsulent Trude Lægreid Rinaldo

Det var ingen merknader til innkalling og sakliste.

Til inspirasjon fekk Hardanger Ungdomsråd omvisning på Olav H. Hauge museet.

HU-sak 08/16

Uttale til Høyringsnotat om råd i kommune og fylkeskommune for ungdom, eldre og personar med funksjonsnedsetjing

Eidfjord Ungdomsråd har kome med uttale der dei støttar Lovforslaget. Ulvik ungdomsråd støttar ikkje lovforslaget. Hardanger Ungdomsråd har vedteke å gje slik uttale:

Vedtak:

Hardanger Ungdomsråd gjev slik uttale:

Høyringsuttale - Hardanger Ungdomsråd 28.04.16

Eit samla Hardanger Ungdomsråd meiner at det er viktig at ungdom sin rett til medverknad vert teken alvorleg. Ungdom under 18 år har ikkje stemmerett ved val og det er derfor særst viktig at vår stemme vert høyrd gjennom andre ordningar. Ungdom engasjerer seg, men har ikkje nødvendigvis teke stilling til politisk ståstad. Me har ofte andre synspunkt enn andre valde organ. Utan lovfesting vil det verta vanskeleg å sikre at alle får like moglegheiter. Me har rett til å uttale oss i saker som vedkjem oss. Hardanger Ungdomsråd meiner det er viktig og etterlengta med eit felles reglement for kommunane når dei organiserer ungdomsråd/ungdommens kommunestyre. Dette sikrar like vilkår for alle. For at ungdom sin rett til medverknad skal sikrast, må dette lovfestast. Me stiller oss uforståande til at det skal være viktigare å lovfeste eldre sin medverknad enn ungdom sin medverknad. Hardanger Ungdomsråd støtter derfor ikkje Kommunal- og moderniseringsdepartementet sitt framlegg til endring i Kommuneleien §10B.

HU-sak 09/16**Aktuelle saker:**

Hu diskuterte samferdsel og arbeid rundt NTP og RTP og tek det med seg vidare i eigne råd

HU-sak 10/16**Aktivitetshelga 2016**

Timo Knoch la fram planane for Aktivitetshelga 2016.

Dato for arrangementet er 10.-11. september 2016

Alle ungdomsråda vert oppfordra til

- å prioritera søknad om økonomisk stønad til Aktivitetshelga på kr 10.000
- å ha ein vaksen kontaktperson frå sitt råd/sin kommune til å ta imot påmelding lokalt og svara på spørsmål om arrangementet.
- å vera ambassadørar for arrangementet og få påmelding.

Vedlagt er presentasjon frå Timo.

HU-sak 11/16**Hardanger Ungdomsting 2016**

3. november 2016 skal det vera nytt Hardanger Ungdomsting i Kvam.

Kva tema det skal vera på dette tinget vart drøfta på møte 25.11.2015.

Vedtak:

Tema på Hardanger Ungdomsting 3. november 2016 :

- ❖ Lære om møtstruktur/ Møteform
- ❖ Asylpolitikk

HU-sak 12/16**Orienteringssaker**

- **HU på fylkestinget**

Korleis var det å vera på fylkestinget?

Ungdommens fylkesting: Leiar i Ulvik Alma Thorbjørnsen var einaste frå Hardanger på Ungdommens fylkesting. Det var svært lærerikt, og ho er imponert over møtstruktur der. Dette vil ein ha meir av i Hardanger Ungdomsråd.

Hordaland fylkesting: Når det gjeld opplevinga av å ta del på Hordaland fylkesting så var det ein god erfaring. (8.mars var ein dag med mange helsingar, ungdommen opplevde det som noko ustrukturert. Ellers har saka om Tannhlesestruktur vore ein suksess og god læring.

- **Hardanger.com**

Vart ikkje tid til å gå inn på den. Tek det opp att.

- **Ungt Entreprenørskap**

Kva erfaringar har de med Ungt Entreprenørskap i Hardanger?

Ungdommen er lite kjent med dette, kun erfaring frå Vgs . Dette vil me ta opp med leiar i UE i Hardanger. Gjerne be om at dei kjem på rådsmøte og informerar.

HU-sak 13/16**Informasjon om arbeid frå den einskilde kommune/herad sine ungdomsråd i Hardanger**

ULVIK: Ung jobb vert grunnlagt i Ulvik frå sommaren 2016, Nesten alle vil arbeida . Dette skal starta som eit prøveprosjekt .

Lan var ein stor suksess igjen.

Har arbeidd mykje med sakene Tannhelsestruktur og Lovfesting av ungdomsråd.

GRANVIN: 2 i styret har hatt ein presentasjon på seminar om rus, stor arbeid og tidkrevjande å arrangera dette seminaret. Kommunesammenslåing har også vore mykje på dagsorden.

KVAM : Handsamar reguleringsplanar. Skal også ta del i arbeid om utarbeiding av ny ruspolitisk handlingsplan. Arbeider mykje med kommunale saker som med boligbygging, tilretteleggar for uteareal mm

ULLENSVANG: Ungdomsrådet har delteke på folkemøter. Har teke del i utarbeiding av ny ruspolitisk handlingsplan. Er opptekne av å få behalda 15 års aldersgrense på byggedansar. Dei vaksne vil setta opp aldersgrensa, det vil ikkje ungdomsrådet. Til helga er det rusfri dans på NÅ. 16. åringane får stemmerett ved folkerøystinga om kommunereform etter ønskje frå ungdomsrådet. Ungdomsrådet har også arbeidd for at folk skal få stemma pr post. 16. mai arrangementet er i rute, og er like populært. Eit ungdomsarrangement i Kinsarvik som tiltrekker seg 350-400 deltakarar frå nesten alle Hardanger kommunane

Referat av Trude Lægreid Rinaldo